


B. N. C
FIRENZE
1067
18




NXTH
SECTER

A. S. 17

1067 18





1767 18 17
ORAI SON
FVNEBRE

*Recitée à Rome, en la Chappelle du S. Pere,
au Vatican: aux Obseques de HENRY
LE GRAND, Roy Tres-Chrestien,
Le vingt-huictiesme de May 1610.*

PAR IACQUES SEGVIER
Philosophe, & Theologien François,
de la ville de Rhodez.



A PARIS,

Par JEAN DV CARROY, Imprimeur, de-
meurant pres le College de Rheims.


M. D C. X.

Avec Privilege du Roy.

1067
18

Extrait du Priuilege du Roy.

PAr grace & Priuilege du Roy, il est permis à Ieā du Carroy Marchand Libraire & Imprimeur à Paris', d'imprimer ou faire imprimer, vendre & distribuer vne Oraison funebre tant en Latin qu'en François, intitulée *Iacobi Seguerii Philosophi Gallici Ruthenensis, &c.* Et deffences sont faites à toutes personnes de quelques qualitez qu'ils soient, d'imprimer ou faire imprimer vendre & distribuer ladite Oraison tant en Latin qu'en François, sur peine de cent liures d'amende, & de confiscation des exemplaires par eux imprimez, comme est plus amplement porté par lesdites Lettres. Donné à Paris, le 28. Iuillet 1610. Par le Roy en son Conseil, Chalopin, & seellé de Cire iaulne.



A L'ILLVSTRISSIME ET
REVERENDISSIME MESSIRE
Robert Vbaldin, Euesque de Mon-
tepulsian, & Nonce de sa Saincteté
vers sa Majesté Tres-Chrestienne.

MONSEIGNEUR,

*M'estant ces iours passez tombé en-
tre les mains le discours funebre Latin, sur la
mort de l'Inuincible Monarque HENRY LE
GRAND, fait à Rome par l'expresz comman-
demēt de sa Saincteté, en quoy Elle a témoigné sa
grande & iuste douleur; le me suis proposé de le
faire voir au iour, traduit en nostre langue Fran-
çoise, & Vous le dedier comme à Celuy qui n'en
porte moins de regret que nostre S. Pere, Lequel
vous representez en ce Royaume. Aussi vostre
Merite est si grand, vos Vertus si accomplies,*

Vostre Pieté si signalée, qu'il me seroit impossible
de les raconter en si peu d'espace. Toutesfois mon
affection & bonne volonté vous tesmoigneront
que ie suis,

MONSEIGNEUR,

Vostre bien-humble &
affectionné seruiteur,
L. S. ad. en P.

ORAI SON FVNEBRE
DE IACQUES SEGVIER,
Philosophe & Theologien
François, de la ville
de Rhodcz.

*Recitée à Rome en la Chappelle du S. Pere,
au Vatican: aux Obseques de HENRY
LE GRAND, Roy Tres-Chrestien,
Le vingt. huictiesme de May 1610.*

NE ne doute point, que vostre
Sainteté n'ayt receu vn grád
desplaisir, lors qu'elle a en-
tendu que le Roy Thres-
chrestien HENRI III. auoit
esté tué d'un cousteau, par la
main d'un meschant & abo-
minable assassin. Vous le tesmoignastes bien
quand vous passastes presque la nuit sans fer-
mer l'œil à cause de la grand' douleur, priant
Dieu ardemment & deuotement (comme il
est bien seât au Pere cōmun de l'Eglise Catho-
lique) pour l'ame d'un si grand Prince. Aussi n'y
a-il personne qui ne croye que vous serez bien

aise d'ouïr reciter les grandes vertus dont ce Prince estoit accomply : qui n'a iamais rien tant désiré, ny avec plus de zele & d'affection, pendant qu'il a esté en ce monde, sinon que l'autorité de la saincte Eglise Catholique, Apostolique & Romaine demeurast en son entier entre toutes les Nations de la Chrestienté.

Ie commenceray donc me confiant en vostre clemence accoustumée, & qu'un chacun esprouue tous les iours, de raconter sommairement vne partie des infinies vertus & loüanges de ce GRAND HENRY; Et suyuant l'enseignement des Rhetoriciens, ie m'appuyray sur vos commandemens, de peur qu'il ne semble que i'employe le temps qui m'est donné, en chose superflüe ou peu nécessaire. La principale raison pourquoy ie dis qu'il ne m'est besoin de discourir amplement de la Noblesse, Splendeur, & Excellence, de nostre ROY, c'est parce qu'il n'y a aucun si insensé & esgaré du sentiment commun, qui en ose rechercher l'Antiquité continuée depuis vn si long temps, dont les Histoires & Annales font foy, & apres vn si grand & ample tesmoignage des Papes. Ie pourrois tirer vne autorité tref-certaine des Loix & Edits du puissant Royaume de France, & des dons qu'il a pleu à la di-

uine bonté luy oëtroier, pour monſtrer clairement la nobleſſe & grandeur de noſtre Prince, qui par le long ordre & entrefuitte de ſes Anceſtres a touſiours multiplié & accru iuſques à maintenant. Mais ie ne veux pas ainſi abuſer du loifir, principalemēt en la recherche des choſes qui d'elles-mefmes ſe font voir, & deſquelles perſonne ne doute, ſ'il n'eſt ignorant ou peruers. Les excellentes vertus que ce GRAND ROY HENRY a poſſedées dès ſon enfance, remplies d'une vraye & ſolide gloire, & exemptes des trauerſes de la fortune m'inuitent d'en parler maintenant, par leſquelles & par ſon exemple digne d'eternelle memoire, il a appris à la Poſterité qu'il ne ſe faut aucunement amuſer aux biens temporels, trompeurs & periffables.

Ie parleray doncques premierement de ſa grande pieté enuers Dieu. Il eſt preſque incroyable de quel grand & magnanime courage il ſ'y eſt cōporté, & cōme par ſon exemple tous les Ordres, & toutes perſonnes ſ'y ſont adonnées, iugeant que cela ſeul eſtoit le vray heritage des Chreſtiens, & le bō heur & Souuerain Bien auquel ils deuoient employer toute leur eſtude; Que toutes les autres choſes exterieures n'eſtoient point les ſolides biens, & que le plus ſouuent elles preiudicioient beaucoup à ceux qui ſ'y glorifioient par trop. Tant de millions d'eſcus teſmoignent & font preuue de ceſte gran-

de & excellente Pieté, qui ont esté employez, pour la restauration des Tombeaux des Anciës & pour la redification des Temples de tout le Royaume, qui auoiët esté ruinez par l'iniure du tēps, & que la fureur des guerres & diffentiōs ciuiles auoit abatus, bruslez, & rasez entiere-ment.

Que diray-ie des Hospitaux, & des maisons Religieuses qu'il a fait bastir de neuf, & augmentées de grands reuenus? Qui n'admirera aussi qu'il a estably sans fer ny violence, le St. Sacrifice de la Messe, en plus de trois cens villes, d'où la vraye Religion auoit esté banniel'espace de quaranteans? Par quel soing & vigilance a-il restabli les Iesuistes exilez; les croyant hommes de Lettres, & Religieux, & pource propres à instruire la ieunesse. Qui plus est, n'a-il pas aussi obtenu du Grand Turc par le moyen des lettres qu'il luy a souuent enuoyées qu'il se bastiroit vn College pour les mesmes Peres à Constantinoble ville Principale & Metropolitaine du Leuant, afin que par leur moyen la Religiō, Chrestienne, qui est presque en ces quartiers toute abatüe, fust releuée & maintenüe par leur doctrine qui les autorise & introduit par tout.

N'a-il pas fait à son exemple que plus de soixante

xante mille hommes, des plus nobles & de ceux qui tenoient les premiers rangs ayent tendu les bras à la verité? Bien dauantage lors que l'Empereur des Turs cōmenda qu'on ruinaſt le S. Sepulchre de noſtre Sauueur, & qu'on l'abolift du tout, Que les vases ſacrez fuſſent conuertis en des vſages prophanes : Que le ſainct Temple dedié à Dieu fuſt ſouillé par les façons de faire ordes & ſales des Mahometans, Que les Religieux fuſſent enchainéz & mis en eſclauage, Que fit-il en eſtant aduertý? Eſtonné, dy-ie, de ſi cruels & meſchans actes , Il fit en ſorte par ſes Ambaſſadeurs , qu'un ſi pernicieux arreſt fuſt incontinent retracté , & que l'honneur deu à vn lieu ſi ſainct s'augmenta plus que iamais en l'ame des hommes. Pour preuue de mon dire i'ay vn teſmoin veritable Meſſire François de Breues, Ambaſſadeur pour le Roy Tres-Chreſtien vers le S. Siege, qui pour lors l'eſtoit pour le meſme Seigneur en Oriēt. I'ay auſſi les Eueſques & les Prouinciaux generaux de l'ordre S. François , & gardiens du S. Sepulchre, qui n'ont voulu qu'un acte ſi memorable fut mis en oubly, ains en ont laiſſé de beaux monumēs à la Poſterité , & ont denoncé ledit ſieur de Breues conſeruateur de la religion Chreſtiēne en Orient, le refuge des gēs de bien, & la ſauuegarde de tous. I'ay en fin pour veritable & aſſeuré témoing , le Grand Clement

V I I I. souuerain Pontife , qui tant de fois & par tant de lettres' a loué ledit sieur de Breues de ce qu'il auoit excellemment fait pour la religion Chrestienne. Mais la grande Clemence de nostre Prince n'a pas esté seulement admirée de ses subiects , & des estrangers , ains aussi salutaire & profitable à ceux qui s'estoient engagez à des forfaits qu'on ne pouuoit purger ni assez punir. Car plusieurs qui auoient attenté à sa vie , poussez plüstoit d'un desir d'acquérir des moyens, & par la hantise & frequentation des melchans, que par ignorāce, ont esté par apres veus de bon œil, & affablemēt receus de sa Maiesté ; leur remonſtrant que ce n'estoit cōtre vn Prince Chrestieñ qu'il falloit tramer telles entreprises, mais plüstoit cōtre les cruels & barbares, & qu'aussi biē tous ces pernīcieux desseins estoient destournez par la diuine Prouidence.

Et que raconteray-ie de l'incroyable force du Corps , & de l'inuincible courage de l'esprit de ce grand H E N R Y touchant son sçauoir militaire, dont il auoit atteint la perfection? Je crains que quelqu'un m'oyant haranguer sur ce subiet ne croye que ces choses soient plus approchantes de la flatterie que de la verité : mais au contraire c'est ce que ie dois craindre le moins: car les plus iudicieux &

mieux auisez me blasmeront, & à bon droit, d'auoir plustost amoindri, qu'amplifié, en vn lieu si signalé les Heroïques faicts d'un si GRAND ROY, par la petitesse de mon esprit.

Quoy que c'en soit, ie suis tres-assuré que plusieurs grands hōmes & dignes de foy m'aduouëront tousiours, qu'il n'y a point de doute, suiuant le dire du Poëte, que les effets de la Force sont admirables, puis qu'elle braue la mort mesme; se ioie des tourments: mesprise les choses les plus horribles, & commande à nos inclinations de ne point fieschir sous les rigueurs de Fortune, & d'estre modestes quand elle nous rit. Aussi voyons nous qu'elle seule a cest aduantage sur toutes les vrayes affections de l'ame, qu'on nomme vertus, de prendre simplement son Ethymologie du nom de l'homme, comme de son moteur principal. C'estoit pour ceste cause que iadis és Republiques biē réglées les Ouatiōs, Processiōs, triumphes, Statues, Arcs, Trofees, Harangues annuelles, & autres tels ornemens aprochans des honneurs diuins estoient ordonnez à ces seuls Heros que la Force rendoit immortels. Et de fait toute la police de ces deux Republiques de Grece (Crete & Lacedemone) qui n'auoiēt aucune dissemblance de loix, ains se maintenoient sous de mesmes maximes, ne se proposoient

autre but en leur estat, que de nourrir des Citoyens forts & guerriers. Le diuin Platon l'a voulu donner à entendre quand il a dit, *Que la plus grande ambition des Lacedemoniens c'estoit de vaincre tousiours.* Aussi les festins qu'ils faisoient en public, les chasses & les excercices auxquels ils accoustumoient leurs enfans & leurs filles dās les Academies: les souffrāces des douleurs, & autres telles disciplines, leur apprennent à supporter aisément durant la paix les fatigues qui sont inseparables d'avec la necessité de la guerre. Mais i'ose bien dire que les hommes les plus forts de ces deux nations iointes ensemble ne sont aucunement comparables au Grand HENRY, ny au moindre de ses exploits. De sorte, que si suyuant la coustume des Orateurs, ie voulois discourir au long, & m'arrester particulièrement sur chasque exploit d'un Prince si valeureux, le iour, la voix, & les poulmons me defaudoient. Car qu'est-il besoin de racōter par le menu, Qu'il est resté victorieux en trois batailles rengées, en trēte cinq rencōtres d'armees, en cēt quarāte cōbats où il a cōbattu de sa main, & en trois cēs sieges de places? Qui ne sçait que ses vaillāces guerrieres sont infinies, & que le Soleil n'a point esclairé de contrées, où lon n'ait ouy louer la Grandeur, la Force, & le Courage de ce MONARQUE? Tellement qu'on peut dire à bon droit, Que s'il y a iamais

eu Roy au monde , qui se soit fait admirer en l'art militaire HENRY IIII. doit estre nommé L'INCOMPARABLE. Epaminondas ce grand Capitaine Thebain expert non seulement en la Milice, mais en la cognoissance des plus beaux arts est loué de tous les Anciens, de ce qu'en la bataille qu'il eut à Mantine se voyant blessé à mort il se fit tirer la fleche hors du corps , & apres qu'on luy eut fait rapport, Que ses gens estoient demeurez vaincueurs, *Je meurs tres-Volontiers*, dit-il alors , *Et suis extremement ioyeux que les Lacedemoniens commandent en leur pais , lequel estoit en seruage quand j'en receu le gouvernement.* Mais le grand HENRY non content d'auoir surhaussé l'autorité de sa PATRIE beaucoup plus ample & auguste que le territoire Thebain , a laissé son Royaume si paisible, si riche, & si ample, qu'ayāt mis la paix par tout, les racines des seditions arrachées, il l'a fait atteindre à vne si haute felicité , que ie ne sçay si nous en deuons esperer vne plus grande. Je ne fais point mention de l'admirable Prudence de ce Monarque (laquelle selon Aristote est l'vn des principaux ornemens des Roys & souuerains Chefs.) Je passe sous silence, son Equité, sa Modestie, & son magnanime Courage à paroistre tousiours INVINCIBLE; Vertus que les sages Anciens ont attribuées aux Heros, & nō pas aux hōmes: Je les obmets

dis-ie pour n'ē pouuoir parler selō leur merite.


Que diray ie pareillemēt de l'authorité de ce GRAND HENRY? mais afin que persōne ne s'abuse quand ie parle de l'Autorité; i'entēs vne certaine excellente, & eminente puissance enuers les Princes, qui s'acquiert à l'endroit des Peuples, par l'opinion des braues exploits, & d'vne vertu & experience ferme, & de longue durée. Mais qui est celuy d'entre tous les hommes à qui elle soit mieux cogneuë qu'à vostre Sainteté? tellement que ce n'a pas esté sans sujet que quelques Historiens fort remarquables & sçauants en l'experience des choses ont escrit, que ce grand HENRY auoit esté esleu, par vne certaine diuine prouidence, le PROTECTEUR de la tranquillité publique, L'ARBITRE des Princes Chrestiens, & les DELICES du monde. Où est-il donc plus raisonnable, que tous les Chrestiens espars par tout l'Vniuers abhorrēt & maudisēt ce detestable, & abominable parricide, cōmis par vn meschant & miserable coquin, le crime duquel ne peut estre purgé par aucun genre de supplice assez cruel; & qui ayant mesprisé toutes loix Diuines & humaines a biē osé ietter sa main infernale & monstreueuse, sur vn si grand Prince, doué de si rares perfections, & donné de Dieu pour souuerain Chef du premier Royaume du monde.


Où estoit ton esprit, desesperé voleur,

lors que tu assassinois si cruellement ce corps inuiolable, & sacré? Quelles furies d'Enfer te possedoient quand tu osas commettre vn coup si horrible & espouuentable à l'ouye seulemēt, pour priuer la France de Ioye, & pouresbranler toute la Chrestienté qui s'appuyoit sur la vie d'vn si grand Prince? Quel sacq, quelles rouës, quels feux, quels rochers & quelles forces assez grandes pour punir ton maudit, & detestable forfait? Certes nous pouons bien dire, que, lors que le meschāt fit son coup le roy estoit en armes prest de passer en Allemagne, principalement pour procurer la paix publique, cōme il a esté tousiours soigneux de la maintenir & garder entre ses subiets, & les estrangers. Mais il nous faut distraire & destourner de cest enorme assassinat, & surmōter nostre grāde douleur, par vne genereuse constance. Vostre Sainteté premieremēt, que la nature a douée, d'honesteté, de tēperance, de iustice, de grādeur, & d'excelence d'esprit, & qu'elle a en fin formée sur le modelle de toutes vertus, Elle (dis-ie) qui a ay-mé ce grand HENRY viuāt en ce mōde, d'vne amitié & bienvueillance Paternelle, embrassera d'vne semblable affection son fils LOVYS Roy Tres-chrestie, lequel, bien qu'il soit en bas aage, il est pourtāt d'vn naturel, & d'vne façon Royale, si franche & si liberale: d'vn tel regard, d'vn front si maiestueux & tellement propor-

tionné de tous ses membres, que vous ne pou-
uez manquer de le cognoistre pour Fils aîné de
l'Eglise du tige & race de S. Louys, qui ne pro-
met rien de soy à toute la Chrestienté que de
grand, excellent, & parfait. A la verité vous mō-
strastes bien que vous cherissiez vostre bien ay-
mé LOVYS lors que vostre Sainteté enuoya
pour Legat en France l'Illustrissime Cardinal
de Loyeuse, afin de le baptizer & nommer pour
elle. Par lequel signe elle a tesmoigné à tout le
monde de quelle amitié Paternelle elle aymoit
les enfans de nostre grand Monarque qu'Elle
désire auoir pour siens. Il reste ce sain & salutai-
re remede, de reprimer & du tout abolir la ra-
ge, forcenerie & cruauté, de si meschans & de-
naturez monstres. Ceste grande & SERENIS-
SIME Princeesse MARIE; Ceste prudente &
bien auisée REYNE tiendra le gouuernail du
Royaume, & par sa Pieté qui la rend admira-
ble à vn chacun elle conseruera les Fleurons de
nostre grand Lys, & vous honnora comme
le Pere commun de la Chrestienté.

2 1067 11









MC

